




經籍  
卷二百四十三之二百四十六

特  
伊4  
1046  
66





74  
1046  
66

文獻通考卷之二百四十三

鄱陽 馬

端臨

貴與

支那  
有  
護  
卷

經籍考

集詩集

李義山集三卷

陳氏曰唐太學博士李商隱義山撰

詩話王荆公晚年亦喜稱義山詩以為唐人知學老杜而得其

藩籬惟義山一人而已每誦其雪嶺未歸天外使松州猶駐殿

前軍永憶江湖歸白髮欲回天地入扁舟與池光不受月暮氣

欲沉山江海三年客乾坤百戰場之類雖老杜亡以過也義山

詩合處信有過人若其用事深僻語工而意不及自是其短世

人反以為奇而效之或岷體之弊適重其失義山本不至是云

文獻通考卷之二百四十三

經籍考

利  
284  
66

李義山集

詩到義山謂之文章一死以其用事僻澁時稱西崑體然荆公  
晚年亦或喜之而字字有根帶如試問火城將策探何如雲屋  
聽窻知未愛京師傳谷口但知鄉里勝壺頭其用事琢句前輩  
無相犯者

漁隱叢話李義山詩楊大年諸公皆深喜之然淺近者亦多如  
華清宮詩云華清恩恨古無倫猶恐蛾眉不勝人未免被他褒  
女笑只教天子暫蒙塵用事失體在當時非所宜言也豈若崔  
魯華清宮詩云障掩金鷄蓄禍機翠華西拂蜀雲飛珠簾一閉  
朝元閣不見人歸見燕歸又云草遮回磴絕鳴鸞雲樹深深碧  
殿寒明月自來還自去更無人倚玉欄干語意既精深用事亦  
隱而顯也義山又有馬嵬詩云如何四紀為天子不及盧家有  
莫愁渾河中詩云咸陽原上英雄骨半是君家養馬來如此等

詩庸非淺近乎

溫庭筠金筌集七卷外集一卷

晁氏曰唐溫庭筠本名岐字飛卿宰相彥博之裔詩賦清麗與  
李商隱齊名時號溫李能逐弦吹之音為側艷之辭為行塵雜  
由是累年不第終國子助教宣宗嘗作詩賜宮人句有金步搖  
遣場中對之庭筠對以玉跳脫上喜其敏欲用之而嘗作詩忤  
時相令狐綯終廢斥云

張祐詩一卷

晁氏曰唐張祐字承吉清河樂高尚客淮南杜牧為度支使善  
其詩嘗贈之詩曰何人得似張公子千首詩輕萬戶侯嘗作淮  
南詩有人生只合揚州死禪智山光好墓田之句大中中果終  
丹陽隱舍人以為讖云 陳錄凡十卷

許渾丁卯集二卷

晁氏曰唐許渾字用晦，國師之後。太和六年進士，為當塗太平二令，以病免。起潤州司馬，太中三年為監察御史，歷虞部員外。睦郢二州刺史，嘗分司於朱方。丁卯，間自編所著，因以為名。賀鑄本跋云：按渾自亭集三卷，五百篇，世傳本兩卷三篇，餘篇求訪二十年，得沈氏曾氏本，并取擬玄天竺集校正之，共得五百四十四篇。予近得渾集完本，五百篇皆在。然上兩卷唐藝文志亦言渾集兩卷，鑄稱三卷者，誤也。

陳氏曰：丁卯者，其所居之地。有丁卯橋，蜀本又有拾遺二卷。後村劉氏曰：杜牧許渾同時，然各為體牧於唐律中，常寓少拗峭，以矯時弊。渾則不然，如荆樹有花，兄弟樂橘林，無實子孫忙之類，律切麗密，或過牧而抑揚頓挫不及也。二人詩不著姓名，亦可辨樊州有續別集三卷，十之八九皆渾詩。牧佳句自多，不必又取他人詩益之。若丁卯集割去許多，傑作則渾詩無一篇可傳矣。

李遠集一卷

陳氏曰：唐建州刺史李遠求古撰。

于鵠集一卷

陳氏曰：唐于鵠撰，與張籍同時，未詳何人。

薛瑩集一卷

陳氏曰：唐薛瑩撰，號洞庭集。文宗時人，集中多蜀詩。其曰壬寅歲者，在前則為長慶四年，後則為中和二年，未知定何年也。觀者考之。

薛逢歌詩二卷

薛逢歌詩二卷

晁氏曰唐薛逢陶臣河東人會昌元年進士終祕書監持論鯁  
切以謀略高自標顯與楊收王鐸同年登第而逢文藝最優收  
作相逢有詩云誰知金印朝天客同是沙隄避路人鐸作相逢  
又有詩云昨日鴻毛萬鈞重今朝山岳一毫輕二人皆怒故不  
見齒

喻鳧集一卷

陳氏曰唐烏程尉喻鳧撰開成五年進士

潘咸集一卷

陳氏曰唐潘咸撰不知何人與喻鳧同時藝文志不載

項斯集一卷

陳氏曰唐丹徒尉江東項斯子遷撰初受知於張籍水部而揚  
敬之祭酒亦知之有逢人說項斯之句會昌四年進士

趙嘏渭南詩三卷

晁氏曰唐趙嘏承祐也會昌四年進士終渭南尉杜紫微讀其  
早秋詩云殘星幾點鴈橫塞長笛一聲人倚樓因謂之趙倚樓  
云

馬戴集一卷

陳氏曰唐馬戴虞臣撰會昌四年進士

顧非熊集一卷

陳氏曰唐盱眙主簿顧非熊况之子會昌五年進士

薛許昌集十卷

晁氏曰唐薛能字大拙汾州人會昌六年登進士第大中末書  
判中選補盤屋尉辟太原陝魏河陽從事李福鎮滑表署觀察  
判官歷御史都官刑部員外郎福徙西蜀奏以自副咸通中攝

嘉州刺史造朝遷主客度支刑部郎中俄刺同州京兆尹温璋  
貶命權知尹事出帥咸化入授工部尚書復節度徐州徙忠武  
廣明元年徐軍戍澠水經許能以軍懷舊惠館之城中許軍懼  
見襲大將周岌乘疑怒逐能據城自稱留後因屠其家能政  
嚴察絕私謁癘於詩日賦一章晚節感浮屠法奉之唯謹然資  
驚倨故佻輕以忤物及為藩鎮尤易武吏嘗命其子屬囊鞬雅  
拜新進士或問其故曰與渠銷弭災咎云

齊洪氏隨筆曰能晚唐詩格調不甚高而妄自尊大其海  
棠詩荔枝詩折楊柳十詩序可見而所作皆無過人又別有柳  
枝詞五首最後一章曰劉白蘇臺總近時當初章句是誰推纖  
腰舞盡春楊柳未有儂家一首詩自註云劉白二尚書繼為蘇  
州刺史皆賦楊柳枝詞世多傳昌雖有才語但文字太僻宮商

不高耳其大言如此但稍推杜陵視劉白以下幾如也今讀其  
詩正堪一笑劉之詞云城外春風吹酒旗行人揮袂日西時長  
安陌上無窮樹唯有垂楊管別離白之詞云紅板江橋青酒旗  
館娃宮暖日斜時可憐兩歇東風定萬樹千條各自垂其風流  
氣槩豈能所可髣髴哉

後村劉氏曰能自稱舉太過五言云空餘氣長在天子用平人  
不但自譽其詩又自譽其材然位歷節鎮不為不用矣卒以驕  
恣凌忽憤軍殺身其材安在妄庸如此乃敢妄議諸葛可謂小  
人之無忌憚者

李群玉詩一卷

晁氏曰唐李群玉文山澧州人曠逸不樂仕進專吟詠自適  
詩筆妍麗才力邁健好吹笙羨華翰親友強赴舉一上而止裴

休廡察湖南延郡中大中八年來京師進詩三百篇休復論薦授弘文館校書郎集後附其進詩表并除官制太平廣記所載黃陵廟事甚異其絕句在焉

陳氏曰裴休少處士薦集後有乞假歸別業及朝士送行詩

曹鄴集一卷

陳氏曰唐洋州刺史曹鄴撰大中四年進士

鄭嵎津陽門詩一卷

晁氏曰唐鄭嵎字賓先大中五年進士津陽即華清宮之外闕嵎開成中過之聞逆旅主人道承平故實明日馬上裁刻成長句一千四百言自有序云

陳氏曰或作愚者非也愚嘗為嶺南節度好着錦半臂非此鄭嵎

劉駕集一卷

陳氏曰唐劉駕司南撰大中六年進士

李頰集一卷

陳氏曰唐建州刺史新定李頰德新撰大中八年進士姚合之督也

李鄴端公詩一卷

晁氏曰唐李鄴楚望也大中十年進士詩調清麗君餘杭踪於馳競為藩鎮從事兼侍御史

陳蛻詩一首

晁氏曰唐陳蛻未詳其行事集有長安十五詠自序云蛻生長江淮間以詩句從賦僅十餘年矣今我后撫運澤及四海蛻復得為太平人云云蓋肅代間人也



柳郊詩一卷

斷金集一卷

晁氏曰唐柳郊集有與李端盧綸輩相酬贈詩大曆間進士也  
晁氏曰唐李逢吉令狐楚自未第至貴顯所唱和詩也後逢吉卒楚編次之得六十餘篇裴夷直名曰斷金集為之序  
孟達詩一卷

儲嗣宗集一卷

陳氏曰唐儲嗣宗撰大中十三年進士  
司馬先輩集一卷

李廓集一卷

陳氏曰唐武寧節度使李廓撰程之子也  
于濟集一卷

陳氏曰唐于濟子濟撰咸通二年進士  
李昌符集一卷

陳氏曰唐膳部員外郎李昌符撰咸通四年進士  
司空表聖集十卷

陳氏曰唐兵部侍郎司空圖表聖撰咸通十年進士別有全集  
此集皆詩也其子永州刺史荷為後記

聶夷中集一卷

陳氏曰唐華陰尉聶夷中撰咸通十二年進士  
許棠集一卷

陳氏曰唐宛陵許棠文化撰亦咸通十二年進士

林寬集一卷

陳氏曰唐林寬撰與李頻許崇皆同時集有送二人詩

周絲集一卷

陳氏曰唐周絲撰咸通十三年進士

無幾集四卷

陳氏曰唐崔魚撰僖宗時人

章碣集一卷

陳氏曰唐章碣撰亦僖宗時人

高蟾集一卷

陳氏曰唐御史中丞高蟾撰乾符三年進士

崔塗集一卷

陳氏曰唐崔塗禮山撰光啓四年進士

雲臺編三卷 宜陽外編一卷

晁氏曰唐鄭谷字守愚宜陽人光啓三年推高第遷右拾遺歷都官郎中乾寧四年歸宜春卒于別墅其集號雲臺編者以其在從華山下觀君所編次云谷詩屬思頗切於理而格韻凡澁語句浮俚不競不為議者所多然一時傳諷號鄭都官而弗名也

歐陽氏詩話曰鄭谷詩名盛於唐末號雲臺編而世俗但稱其官為鄭都官其詩極有意思亦多佳句但其格不甚高以其易曉人家多以教小兒余為兒時猶誦之今其集不行於世矣

周朴詩二卷

唐慶士周朴撰歐公詩話曰唐之晚年詩人無復李杜豪放之格然亦務以精意相高如周朴者構思尤艱每有所得必極其

雕琢故時人稱朴詩月銀垂鍊未及成篇已播人口其名重當時如此而今不復傳矣余少時猶見其集其句有云風暖鳥聲碎日高花影重又云曉來山雨鬧雨過杏花稀誠佳句也

韓偓詩二卷 香奩集一卷

晁氏曰唐韓偓致光京兆人龍紀元年進士累遷諫議大夫翰林學士昭宗幸鳳翔進兵部侍郎承旨朱全忠貶濮州司馬榮懿尉天祐初挈族依王審知而卒香奩集沈括筆談以為和凝所作疑既貴惡其側艷故詭稱偓著或謂括之言交許彦周詩話高秀實言元微之詩艷麗而有骨韓偓香奩集麗而無骨李端叔意喜韓偓詩誦其序云咀五色之靈芝香生九竅咽三危之瑞露美動七情秀實云勸不得也

石林葉氏曰偓在閩所為詩皆手自寫成卷嘉祐間裔孫奕出

其數卷示人龐穎公為漕取奏之因得官詩文氣格不甚高吾家僅有其詩百餘篇世傳別本有名香奩集者唐書藝文志亦載其辭皆閨房不雅馴或謂江南韓熙載所為誤以為偓若然何為錄於唐志乎熙載固當有之然吾所載偓詩中亦有一二篇絕相類豈其流落亡聊中姑以為戲然不可以為訓矣

又曰韓偓傳自貶濮州司馬後載其事即不甚詳其再召為學士在天祐二年吾家所藏偓詩雖不多然自貶後皆以甲子歷歷自記其所任有乙丑年在袁州得人賀復除戎曹依舊承旨詩即天祐二年也昭宗前一年已弒蓋哀帝之命也未句云若為將朽質猶擬杖於朝固不往矣其後又有丁卯年正月聞再除戎曹依前充職詩末句云豈獨鳴夷祥歸去五湖魚艇且鋪糟天祐四年也是年兩召皆辭唐史止書其一是歲四月全忠

纂其召命自袁帝之世自後復召則癸酉年南安縣之作即梁之乾化二年時全忠亦已被弒明年梁亡其兩召不行非特避禍蓋終身不食梁祿其大節與司空表聖略相等惜子唐史不能少發明之也

唐英集三卷

陳氏曰唐翰林學士吳融子華撰與僖宗龍紀元年進士

張蠙詩一卷

晁氏曰為蜀張蠙字象文清河人唐乾寧中進士為校書郎歷陽尉犀浦令建開國拜膳部員外郎後為金堂令王衍與徐后遊大慈寺見壁間書牆頭細雨垂纖草水面回風聚落花愛之問知蠙句給札令以詩進蠙以二百首獻衍頗重之將召為知制誥宋光嗣以其輕傲止賜白金而已蠙生而穎秀幼能為詩作登單于臺有白日地中出黃河天外来之句為世所稱

靈溪集七卷

陳氏曰唐校書郎上饒王貞白有道撰乾寧二年進士其集有自序求豐人有藏之者洪景廬德而刻之詩雖多在一時儕輩未為工也

翁承贊集二卷

陳氏曰唐諫議大夫京兆翁承贊文苑撰乾符二年進士

褚載集一卷

陳氏曰唐褚載厚之撰

王穀集一卷

陳氏曰唐王穀虛中撰二人皆乾寧五年進士

盧延讓詩一卷

盧延讓詩一卷

晁氏曰為蜀盧延讓子善也范陽人唐光化九年進士朗陵雷  
滿辟滿敗歸王建及僭號授水部員外郎累遷給事中卒官終  
刑部侍郎延讓師薛能詩不尚奇巧人多誚其淺俗獨吳融以  
其不蹈襲大奇之

牛嶠歌詩三卷

晁氏曰為蜀牛嶠字延峯隴西人唐相僧孺之後博學有文以  
歌詩著名乾符五年進士歷拾遺補闕尚書郎王建鎮西川辟  
判官及開國拜給事中卒集本三十卷自序云竊慕李長吉所  
為歌詩輒效之

韋莊浣花集五卷

晁氏曰為蜀韋莊字端已仕王建至吏部侍郎平章事集乃其  
第藹所編以所居即杜甫草堂舊址故名為史稱莊有集二十  
卷今止存此

王駕集一卷

陳氏曰唐彭城王駕大用撰大順元年進士自號守素先生  
喻坦之集一卷

陳氏曰唐喻坦之撰

張喬集一卷

陳氏曰唐進士九華張喬撰喬與許棠張蠙鄭谷喻坦之等同  
時號十哲喬試京兆月中桂詩擅場傳於今而登科記無名蓋  
不中第也

高駢集一卷

陳氏曰唐淮南節度使高駢撰

周賀集一卷

文獻卷一百四十三

歷代詩考

十一

陳氏曰唐周賀撰嘗為僧名清塞後反初故別本又號清塞集  
晁氏曰清塞字南卿詩格清雅與賈島無可齊名寶曆中姚合  
為杭州因携書長謁合聞其誦哭僧詩云凍湏亡夜剝遺傷病中  
書大愛之因加以冠巾為周賀云

李洞詩一卷

晁氏曰唐李洞字才江諸王之孫慕賈島為詩銅鑄其像事之  
如神時人多誦其僻澁不責其奇峭唯吳融稱之昭宗時不第  
遊蜀卒

陳氏曰與張喬同時稱餘杭明經潘熙載編

曹唐詩一卷

晁氏曰唐曹唐字堯賓桂州人初為道士咸通中為府從事卒  
作游仙詩百篇或靳之曰堯賓嘗作鬼詩唐曰何也井底有天

春寂寂人間無路月茫茫非鬼詩而何唐乃大晒今集中不見  
然它詩及神仙者尚多

陳氏曰唐有大小游仙詩

來鵬集一卷

陳氏曰唐豫章來鵬撰咸通中舉進士不第

任藩集一卷

陳氏曰唐任藩撰或作翻容居天台有宿恰憤山絕句為人所  
稱今城中巾子山也

後村劉氏曰唐任藩詩存者五言十首而已然多佳句衆鳥已  
歸樹旅人猶過山贈僧云半頂髮根白一生心地清居然可愛  
今人動為千百首而無一可傳者

方干詩集一卷

方干詩集一卷

方干詩集一卷

方干詩集一卷

晁氏曰唐方干字雄飛歙人唐末舉進士不第隱鏡湖上徐凝有詩名一見干器之授以詩律其貌寢陋又免闕而喜凌侮嘗謁蕙帥誤三拜人號方三拜將薦于朝而卒門人謚玄英先生其甥楊弁與孫郃編次遺詩王贊為序郃又為玄英先生傳附王德與詩一卷

晁氏曰唐王德與集有次韻和鄭畋詩知其懿信間人也沈彬集一卷

晁氏曰南唐沈彬保大中以尚書郎致仕居高安集中有與韋莊杜光庭貫休詩唐末三人皆在蜀疑其同時避亂掌入蜀云上李昇山水圖詩在焉

熊皦屠龍集五卷

晁氏曰晉熊皦後唐清泰二年進士為延安劉景岩從事天福

中說景岩歸朝擢右司諫坐累出上津令集有陶穀序陳沆嘗繳早梅云一夜欲開盡百花猶未知曰太妃容德於是乎在

陳氏曰集中多下第詩蓋老於場屋者

杜荀鶴唐風集十卷

晁氏曰唐杜荀鶴池州人大順二年進士善為詞句切理宣州田頌重之嘗以牋問至梁祖薦為翰林學士主客員外恃勢侮易搢紳衆怒欲殺之而未及天祐初病卒有顧雲序荀鶴自號九華山人

陳錄作三卷

幕府燕談杜荀鶴詩鄙俚近俗惟宮詞為唐第一云早被嬋娟誤欲粧臨鏡慵承恩不在貌教妾若為容風暖鳥聲碎日高花影重年年越溪女相憶採芙蓉故諺云杜詩三百首惟在一聯

中正謂風暖日高之句也此句歐公詩話以為周朴詩

詠史詩三卷

陳氏曰晉邵陽胡曾撰凡一百五十首曾咸通末為漢南從事

羅江東集十卷

陳氏曰唐羅隱昭諫撰

劉滄詩一卷

晁氏曰唐劉滄字蘊靈大中八年進士詩頗清麗句法絕類趙

嘏

羅鄴集一卷

晁氏曰唐羅鄴撰

曹松集一卷

晁氏曰唐曹松夢徵也舒州人學賈島為詩天復元年與王希

羽劉象柯崇鄭希顏同登第年皆七十餘號五老勝時以新平

內難聞放進士喜特勅授校書郎而卒

陳氏曰別本與印本互有詳略但別本大遠仙十三首乃曹唐

詩也

羅虬氏紅兒詩一卷

晁氏曰唐羅虬撰皇朝方性天註虬詞藻富贍與其族人隱鄴

齊名時號三羅從鄴州李孝恭籍中有杜紅兒者善歌常為副

使者屬意副使聘鄰道虬請紅兒歌贈之以絳孝恭不令受虬

怒拂衣起詰旦手刃之既而追其寃作絕句詩百篇借古人以

比其艷盛行於世

唐彥謙鹿門詩一卷

晁氏曰唐唐彥謙字茂鄴并州人咸通末進士中和中王仲榮

文獻卷二百四十三

經籍考

十四



表河中從事歷節度副使晉絳二州刺史重榮遇害貶漢中掾  
興元楊守亮留署判官遷副使閬壁刺史卒彥謙才高負氣無  
所摧服博學多藝尤能七言詩師溫庭筠故格體類之世稱耳  
聞明主提三尺眼見愚民盜一杯蓋彥謙句也自號鹿門先生  
有薛廷珪序

後村劉氏曰楊劉諸人師李義山可也又師唐彥謙唐詩雖雕  
斲對偶然求如一杯三尺之聯惜不多見五言叙亂離云不見  
泥函谷俄驚火建章剪茅行殿濕伐栢舊陵香語猶渾成未甚  
破碎若西崑酬唱集對偶字面雖工而佳句可錄者殊少宜為  
歐公所厭也

秦韜玉投知小錄三卷

晁氏曰唐秦韜玉字中明京兆人有詞藻工歌吟險而好進為

田令孜所善僖宗幸蜀令孜引為工部侍郎中和二年賜進士  
第編入春榜

東浮集九卷

陳氏曰唐荆南崔道融撰自稱東歐散人乾寧乙卯永嘉山齋  
編成蓋避地於此今闕第十卷

唐詩三卷

陳氏曰崔道融撰皆四言詩述唐中世以前事實事為一篇篇  
各有小序凡六十九篇

裴說集一卷

陳氏曰唐裴說撰天祐三年進士狀頭唐蓋將亡矣說後為禮  
部員外郎世傳其寄邊衣古詩甚麗此集無之僅有短律而已  
非全集也其詩有避亂一身多之句

劉德仁詩集一卷

晁氏曰唐劉德仁公主之子長慶中以詩名五言清瑩獨步文場者開成後昆弟皆居顯仕獨自苦於詩舉進士二十年竟無所成嘗有寄所知詩云外族帝王恩中朝親故稀翻令浮議者不許九霄飛及卒詩僧棲白以絕句弔之曰忍苦為詩身到此冰魂雪魄已難招直教桂子落墳上生得一枝冤始銷

唐求集一卷

陳氏曰唐唐求撰與顧非熊同時藝文志不載

李山甫集一卷

陳氏曰唐魏博從事李山甫撰唐末進士不第

邵謁集一卷

陳氏曰唐國子生曲江邵謁撰集後有胡賓王者為之序言其

沒後降巫賦請自稱邵先輩始若今世謂大仙之類耶

李推官披沙集六卷

陳氏曰唐李咸用撰其八世孫蕪孟達居宛陵亦能詩嘗為三州出其家集求楊誠齋作序

誠齋序略曰推官公詩如見後却無語別來長獨愁如危城三面水古樹一邊春如月明千嶠雪灘急五更風如煙殘偏有焰雪甚却無聲如春雨有五色灑來花旋成如雲藏山色晴還媚風約溪聲靜又回如未醉已知醒後憶欲開先為落聲愁蓋征人凄苦之情孤愁窈眇之聲騷客婉約之靈風物榮悴之英所謂周禮盡在魯矣讀之使人發融冶之歡於荒寒無聊之中動慘戚之感於笑談方憚之後國風之遺音江左之異曲孰謂其果弦絕歟

黃御史集

誠齋序畧曰詩至唐而盛至晚唐而工御史黃公之詩尤奇如  
聞鴈一聲初觸夢半白已侵頭餘燈依古壁片月下滄洲如遊  
東林寺寺寒三伏雨松偃數朝枝如退居青山寒帶雨古木夜  
啼猿此與韓致光吳融輩並遊未知何人徐行後長也未豐君  
自言其集又逸其父考功公始得之僅數卷而已其後永豐君  
得詩文五卷於呂夏卿之家又得逸詩於翁承贊之家又得銘  
碣於浮屠老子之宮而後御史公之文復傳於二百年之後按  
唐藝文志御史諱滔字文江光啓中為四門博士其集舊曰黃  
滔集云

于武陵集一卷

周濟集一卷

陳光集一卷

劉威集一卷

陳氏曰皆唐人于武陵大中進士餘莫詳何時濟集仍藝文志  
不載

胡笳十八拍一卷

晁氏曰唐劉商撰漢蔡邕女琰為胡騎所掠因胡人吹蘆葉以  
為歌遂翻為琴曲其辭古淡商因擬之以叙琰事盛行一時商  
彭城人擢進士第歷臺省為郎好道術隱義興胡父諸世傳其  
仙去

鼎國詩三卷

鼎氏曰後唐李雄撰雄洛鞏人莊宗同光甲申歲遊金陵成都  
鄰下各為詩古詩三十章以三國鼎峙故曰鼎國

李有中詩二卷

晁氏曰南唐李有中嘗為新塗令與水部郎中孟賓于善賓于撰其詩如方干賈島之徒賓于晉天福中進士也有中集中有贈韓張徐三舍人詩韓乃熙載張乃洎徐乃鉉也春月詩云乾坤一夕兩草木萬方春頗佳他皆稱是

殷文珪集一卷

陳氏曰唐殷文珪撰乾寧五年進士後仕南唐其子曰崇義歸朝更姓名即湯悅也

盧士衡集一卷

陳氏曰後唐盧士衡撰天成二年進士

劉昭禹集一卷

陳氏曰湖南天策府學士桂陽劉昭禹撰

符蒙集一卷

陳氏曰題符侍郎同光三年進士也同年四人蒙初為狀頭覆試為第四

李建勳集一卷

陳氏曰南唐宰相李建勳撰

孟賓于集一卷

陳氏曰五代進士孟賓于撰仕湖南江南

廖匡圖集一卷

陳氏曰湖南從仕廖匡圖撰

江為集一卷

陳氏曰五代建安江為撰為王氏所誅當漢乾祐中

劉一集一卷

劉一集一卷

正音考

六

陳氏曰似唐末五代末藝文志不載其詩怪而不律亦不工  
文丙集一卷

陳氏曰稱布衣文丙所業未詳何人

蔣吉集一卷

蘇極集一卷

王周集一卷

陳氏曰皆未詳何人

皎然杼山集十卷

晁氏曰唐僧皎然字清晝吳興人謝靈運十世孫攻篇什德宗

詔錄本納集賢院集前有于頔序并贈畫上人詩

陳氏曰顏魯公為刺史與之酬倡其後刺史為作集序所居龍

興寺之西院今天寧寺是也又嘗居杼山寺在歙

唐史藝文志顏真卿為刺史集文士撰韻海敬源預其論著貞

元中集賢御書院取其集藏之

石林葉氏曰唐詩僧皎然居湖州妙喜今寶積寺是其故廬自

言謝靈運後詩祖其家法自許甚高顏魯公為守時與張志和

陸鴻漸皆為客意其人品亦必不凡吾嘗至妙喜訪其遺迹無

復有但山顛墳存耳其詩十卷尚行於世無甚令人喜者以為

優於唐詩僧可也觀其詩評亦貶駁老杜如論送高三十五書

記詩云崆峒小麥熟且願休玉師請君問主將安用窮荒為以

為四句已前不見題則其所知可見矣

僧靈澈詩集一卷

澈姓湯字源澄越州人劉夔得序曰如芙蓉園新寺詩云經來

白馬寺僧到赤馬年謫汀州云青蠅為弔客黃耳寄家書可謂

入作者閩域豈特雄於詩僧間耶雪浪齋日記靈澈詩僧中第一如海月生殘夜江春入暮年窓風枯硯水山雨慢琴弦前輩評此

詩云轉石下千仞江

寶月詩一卷

晁氏曰唐僧貫休撰字德隱姓姜氏婺州人後入蜀號禪月大師初莫融為之序其弟子曇域削去別為序引為蜀乾德中獻之

靈一集一卷

陳氏曰唐僧與皇甫曾同時

無可集一卷

陳氏曰唐僧賈無可撰島弟也

碧雲詩一卷

晁氏曰唐僧虛中詩也司空圖畫以詩贈之云十年太華無知己只得虛中一首詩

白蓮集一卷

陳氏曰唐僧齊已撰長沙胡氏

柳白集一卷

脩睦東林集一卷

尚顏供奉集一卷

陳氏曰皆唐僧自貫休而下盡唐末人也脩睦死於維揚朱瑾之難

薛洪度詩一卷

晁氏曰唐薛濤字洪度西川樂妓工為詩當時人多與酬贈武元衡奏校書郎大和中卒李肇云樂妓而工詩者濤亦文妖也

陳氏曰號薛校書世傳奏授恐無是理始一時州鎮褒借為戲  
如今世白帖借補之類耶濤得年最長至近八十

李季蘭集一卷

陳氏曰唐女冠與劉長卿同時相譏調之語見中興間氣集

魚玄機集一卷

陳氏曰唐女冠坐姑殺女婢抵死

花藥夫人詩一卷

晁氏曰偽蜀孟昶愛姬青城費氏女幼能屬文長於詩宮詞尤

有思致蜀平以俘輸織室後有罪賜死

伍喬集一卷

陳氏曰本江南進士後歸朝

李九齡集一卷

陳氏曰洛陽李九齡撰乾德二年進士第三人

文獻通考卷之二百四十三

文獻通考

卷之二百四十三

三十一

文獻通考卷之二百四十四

鄱陽 馬 端臨 貴與 著

經籍考

集詩集

寇忠愍詩三卷

晁氏曰寇準字平叔華州人太平興國中登進士科淳化五年  
 參知政事定策立真宗為皇太子景德元年拜平章事契丹入  
 寇決親征之策凡三入相真宗不豫皇后預政準白上請太子  
 監國因令楊億草制且進億以代丁謂誥朝準被酒漏言累貶  
 雷州司戶徙衡州司馬卒仁宗時贈中書令謚忠愍嘗封萊國  
 公初篤學喜屬文尤長詩什多得警句在相位論議忠直不顧  
 身謀仇邪媒孽既以謫死或又謗之云在相位時與張齊賢相



傾朱能為天書降乾祐準知而不言曾子固明其不然曰審如是丁謂拂須固足以悅之司馬溫公訓儉文亦言其奢後子孫丐於海上然以史考之萊公蓋無子也集有范雍叙共二百四十首野水無人渡及江南春二首皆在獨到海只十里之詩已亡其全篇矣

陳氏曰巴東集三卷公初以將作監丞知巴東縣自擇其詩百餘篇且為之序今刻於巴東忠愍公集三卷乃河陽守范雍得公詩二百首為三卷今刻板道州

### 張刑部詩

王介甫序君詩明而不華喜諷道而不刻切其唐人善詩者之徒歟君並揚劉生揚劉以其文詞染當世學者迷其端原靡然窮日力以摹之粉墨青朱顛錯叢疣無文章黼黻之序其屬情籍事不可考據也方此時自守不污者少矣君詩獨不然其曰守不污者耶

### 魏仲先草堂集二卷

### 鉅鹿東觀集二卷

晁氏曰魏野字仲先陝州人志清逸以吟詠自娛忘懷榮利隱于陝之東郊手植竹木繞以流泉鑿土囊丈曰樂天洞前立草堂為詩清苦句多警策與寇準王旦善每往來酬唱祀汾陰歲召不起卒贈著作郎集有薛田序鉅鹿東觀集乃野之子閑集其父詩四百篇以贈著作故以東觀名集

### 潘道遥詩三卷

晁氏曰皇朝潘閔字道遥大名入通易春秋尤以詩知名太宗嘗召對進士第將官使之不就王繼恩與之善繼恩下獄捕

閔甚急久之弗得咸平初來京師尹收繫之真宗釋其罪以為  
滁州參軍後卒于泗上與王禹偁孫何柳開魏野交好最密集  
有祖無擇序錢易張達皆碣其墓附于集後蘇子瞻少年時過  
一山院見壁上有句云夜涼知有兩院靜若無僧而不知何人  
詩今集有此聯乃閔夏日宿西禪院詩也小說中謂閔坐盧多  
遜黨嘗追捕非也

陳氏曰閔嘗賜及第後坐追奪變姓名僧服入中條山卒於泗  
州又有嚴陵刻本同但少卷末三首

東里揚聘君集一卷

陳氏曰處士鄭圃揚朴契元撰太宗嘗召對拜郎中不受以其  
子為長水尉

滕工部集一卷

陳氏曰滕白撰篇首寄陳搏知為國初人又有右省懷山中及  
臺中寄朱從事詩則其揚歷清要亦多矣史傳亡所見未有考  
也

王岳集一卷

陳氏曰王岳撰集中有春日感懷上滕白郎中蓋亦國初人又  
有聖駕親征河東及有甲午避寇全家欲下荆南之語則是李  
順亂蜀之歲函蓋蜀人也耶

漁舟集一卷

陳氏曰處士成都郭震希聲撰自稱汾陽山人李昉為作集序  
淳化四年忽作詩曰朝出東門遊東門好春色青青原上草莫  
放征馬食請闕獻書言蜀利病未幾順賊已作矣

王初敬詩集一卷

王初敬詩集一卷

陳氏曰王初撰未詳何人有延平天慶觀詩當是祥符後人也  
其集三卷

陳氏曰慶士南隆朱有大有撰自稱雲臺山人天禧中王晦叔  
守蜀以古風六十言遺之書臺者其所居坊名也

其棠集一卷

陳氏曰知制誥上蔡孫僅鄰幾咸平元年進士第一人後其兄  
何一榜嘗從何通判陝府以所賦詩集而序之首篇曰其棠思  
循吏故以名集僅兄弟皆不壽故不大顯

錢氏白歌詩二卷

陳氏曰翰林學士吳越錢易希白撰廢王侁之子咸平二年進  
士第二人景德二年制科初錢氏歸國群從皆補官獨易與兄  
昆不見錄遂刻志讀書皆第進士昆至諫議大夫易子彦遠明  
逸又皆以賢良方正入等宋興父子兄弟制舉登科者惟錢氏  
一門易有集首五十卷未見家止有此及滑稽集四卷而已

林和靖詩三卷

西湖紀逸一卷

晁氏曰林逋字君復杭州錢塘人少立志為學結廬西湖之孤  
山真宗聞其名詔郡縣常存遇之善行書喜為詩其語孤峭澄  
淡臨終作一絕曰茂陵他日求遺藥猶喜初無封禪書或刻石  
置之其墓中賜謚曰和靖先生

清風集一卷

陳氏曰職方員外郎鮑當撰

石曼卿集一卷

晁氏曰石延年字曼卿南京宋城人舉進士不中為三班奉職

改太常寺太祝遷祕閣校理氣貌雄偉喜論事善書札縱酒不羈世多傳其仙云其詩如春陰紅梅及樂意相關禽對語生香不斲樹交花鶯聲不逐春光老花影常隨日脚流之句至今諷詠焉

陳氏曰其詩自為序石介復為作序其仕以三舉進士為三班奉職出處詳見歐公所作墓誌

歐公詩話曰石曼卿自少以詩酒豪放自得其氣貌偉然詩格奇峭又工於書筆畫道勁體兼顏柳為世所珍余家嘗得南唐後主澄心堂紙曼卿為余以此紙書其籌筆驛詩詩曼卿平生所自愛者至今藏之號為三絕真余家寶也曼卿卒後其故人有所見之者云恍惚如夢中言我今為鬼仙也所主芙蓉城故呼故人往遊不得忿然騎一素驃去如飛其後又云降於亳州一

舉子家又呼舉子去不得因留詩一篇與之余亦略記其一聯云鶯聲不逐春光老花影長隨日脚流神仙事怪不可知其詩頗類曼卿平生語舉子不能道也

張浮休評曼卿詩如饑馬夜歸岩冰春拆俊爽有餘而不可尋繹朱子語錄因舉石曼卿詩極有好處如仁者雖無敵王師固有征無私乃時雨不殺是天聲長篇某舊於某人處見曼卿親書此詩大字氣象方嚴道勁極可寶愛真所謂顏筋柳骨令人喜蘇子美字遠不及矣如籌筆驛詩意中流水遠愁外舊山青又樂意生香之句極佳可惜不見其全集

後村劉氏曰石曼卿詩惟籌筆驛詞翰俱妙人所傳誦及樂意相關禽對語生香不斲樹交花一聯為伊洛中人所稱他作苦不甚見晚得其集石徂徠作序稱其與穉叅軍以古文自任而

曼卿尤豪於詩石自序性懶有作不能錄早時解記數百篇過壯記益衰近幾盡廢有收百篇來者覽之或尚能識或如非已言又廼能辨遂併近詩存三百篇藏之于家歐公尤重其人范公有鑿幽索秘破堅發竒高凌虹霓清出金石之評集中華山泰山嵩山五言長篇各一首筆力在薛能之上餘警句尚多五言云行人晚更急歸鳥夕無行天寒河影淡山凍瀑聲微水盡天不盡人在天盡頭草白有時榮髮白不再好人生不如春髮白不如草弋下失真鴻網細遺巨鷗風勁香逾遠天寒色更鮮秋天買不斷無意學金錢七言云洛渚微波長映步漢宮香水不濡肌獨步世無吳苑豔渾身天與漢宮香耻無湯武干戈域寧死唐虞揖遜區汾河不斷天南流天色無情淡如水南朝文物盡清賢不事風流即放言三百年間却堪笑絕無人可定中原中教向人疎懶甚步兵因酒過差多皆清長有氣骨

呂文靖集五卷

陳氏曰丞相許國文靖公壽春呂夷簡坦夫撰文靖不以文鳴而其詩清潤和雅未易及也

陳亞之集一卷

晁氏曰陳亞字亞之性滑稽喜賦藥名詩仕至司封郎中藥名詩始於唐人張籍有江皇歲暮相逢地黃葉霜前半下枝之詩人謂起於亞實不然也

陳氏曰咸平五年進士有集三卷藥名詩特其一體耳如馬嘶曾到寺大吠乍行村吏辭如賀日民送自迎時皆佳句不在此集也

金陵覽古詩三卷

陳氏曰震部員外郎揚備撰億之弟也

李問集一卷

陳氏曰國子博士廣陵李問舜俞撰

蘇才翁集一卷

晁氏曰蘇舜元字才翁子美兄也工草隸詩章豪麗

晁君成集十卷別集一卷

陳氏曰新城令晁端友君成撰東坡為作序補之其子也

東坡序畧曰晁君成君子人也吾與之游三年知其為君子而

不知其能文與詩而君亦未嘗一語及此者其後君既沒其子

補之出君之詩三百六十篇讀之而驚曰嗟乎詩之拍雖微然

其美惡高下猶有可以言傳而拍見者至於人之賢不肖其深

遠眩昧難知蓋甚於詩今吾尚不能知君之能詩則其所謂知

君之為君子者果能盡知之乎君以進士得官所至民安樂之

惟恐其去然未嘗以一言求於他人凡從事二十三年而後改

官以沒由此觀之非獨吾不知舉世莫知之也君之詩清厚靜

深如其為人而每篇輒出新意奇語宜為人所共愛其勢非君

深自覆匿人必知之而其子補之於文無所不能博辨俊偉絕

人遠甚將必顯於世吾是以知有其實而辭其名者之必有後

也

杜師雄詩一卷

晁氏曰宋朝杜默字師雄祖徠人石介作三豪篇所謂歌之豪

者蘇子瞻頌陋之

鄭成之集一卷

晁氏曰宋朝鄭襄字成之閩人登進士第慕韓愈為文陳詒為

文獻卷三百四

經籍考

五

編次其集張景為之序

將歸集一卷

晁氏曰未詳何人有題林逋隱居詩當是昭陵時人也

徐仲車詩一卷

晁氏曰宋朝徐積字仲車東莞人

黃震部詩一卷

晁氏曰宋朝黃觀昭陵時嘗將漕成都

邵堯夫擊壤集二十卷

晁氏曰宋朝邵雍堯夫隱居洛陽熙寧中與常秩同召力辭不

起遂於易數始為學至二十年不施枕榻睡其精思如此歌詩

蓋其餘事亦頗切理盛行于時卒謚康節集自為序

朱子語錄康節之學其骨髓在皇極經世書其花草便是詩

韓持國詩三卷

晁氏曰韓維字持國億之子也與其兄子華王汝俱位宰相持

國最能詩世傳其醱醱絕句他多稱是

註荆公詩十五卷

陳氏曰參政眉山李壁李章撰謫居臨川時所作助之者曾極

景建魏鶴山作序

石林詩話曰荆公少以意氣自許故詩語惟其所向不復更為

涵蓄如天下蒼生待霖雨不知龍向此中蟠又濃綠萬枝紅一

點動人春色不須多又平治險穢非無力潤澤焦枯是有才之

類皆直道其曾中事後為群牧判官從宋次道盡假唐人詩集

博觀而約取晚年始盡深婉不迫之趣乃知文字雖工拙有定

限然必視其幼壯雖公方其未至亦不能力強而遽至也

又曰荆公晚年詩律猶精嚴造語用字間不容髮然意與言會  
言隨意造渾然天成殆不見有牽率排比處如合風鳴綠鱗鱗  
起弄日鵝黃裊裊垂讀之初不覺有對偶至細數落花因坐久  
緩尋芳草得歸遲但見舒閑容與之態耳而字字細攷之皆經  
櫟括權衡者其用意亦深刻矣嘗與葉致遠諸人和頭字韻詩  
徃返數四其末篇云名譽子真居谷口事功新息困壺頭以谷  
口對壺頭其精切如此後數月取本追改云豈愛京師傳谷口  
但傳鄉里勝壺頭今集中兩本並存

漫叟詩話荆公定林後詩精深華妙非少作之一嘗作歲晚詩  
云月映林塘靜風涵笑語涼俯窺伶淨綠小立佇幽香携幼尋  
新蒨扶衰上野航延緣久未已歲晚惜流光自以此謝靈運議  
者亦以為然

後山詩話魯直謂荆公之詩莫年方妙然格高而體下如云自  
聞青秧底復作龜兆坵乃前人所未道又云扶輿度陽燄窈窕  
一川花謂包含數个意雖前人亦未道然學三謝失於巧耳  
又云荆公詩云力去陳言誇未俗可憐無益費精神而公平生  
文體數變莫年詩益工用意亦苦故言不可不謹也  
張浮休評王介甫詩如空中之音相中之色欲有執着而曾不  
可得

### 臨川詩選一卷

陳氏曰汪藻彥章得牛山別集皆罷相山居時老筆過江失之  
遂於臨川集錄出又言有表啓十餘篇不存一字

註東坡詩四十二卷年譜目錄各一卷

司諫吳興施元之德初與吳郡顧景蕃共為之元之子宿從而



推廣且為年譜以傳於世陸放翁作序頗言註之難蓋其一時事實既非親見又無故老傳聞有不能盡知者噫豈獨坡詩哉註杜詩者非不多往往穿鑿附會皆臆決之過也

張浮休評子瞻詩如武庫初開戈矛森然觀者不覺神懣若一尋之不無利鏃

故翁陸氏序略田唐詩人最盛名家者以百數惟杜詩註者數家然槩不為識者所取近世有蜀人任淵掌註宋子京黃魯直陳無已三家詩頗稱詳瞻若東坡先生之詩則援據闕博指趣深遠淵獨不敢為之說某頃與范公至能會於蜀因相與論東坡詩慨然謂余足下當作一書發明東坡之意以遺學者某謝不能後二十五年某告老居山陰吳興施宿武子出其先人司諫公所註數十大篇屬某作序司諫公以絕識博學名天下且用工深歷歲久又助之以碩君景蕃之談洽則於東坡之意蓋幾可以無憾矣

山谷集十一卷外集十一卷別集二卷

陳氏曰黃庭堅魯直撰江西所刻詩派即豫章前後集中詩也別集者慶元中莆田黃汝嘉增刻

山谷編年詩集三十卷年譜二卷

陳氏曰山谷詩文其甥洪氏兄弟所編斷自進德堂以後今外集所載數卷有晚年刪去者故任子淵所註亦惟取前集而已監丞黃留子耕者其諸孫也即會粹別集復盡取去平生詩以歲月次第編錄且為之譜今刊板括蒼

後山集六卷外集五卷

陳氏曰陳師道無已撰亦於正集中錄出入詩派江西宗派之

說出於呂本中居仁前輩固有議其不然者矣後山雖曰見豫章之詩盡棄其學而學焉然其造詣平澹真趣自然實豫章之所闕也

註黃山谷詩二十卷註後山詩六卷

陳氏曰新津任淵子淵註鄱陽許尹為序大抵不獨註事而兼註意用工為深二集皆取前集陳詩以魏衍集記冠焉

後村劉氏曰國初詩人如潘閔魏野規規晚唐格調寸步不敢走作揚劉則又專為崑體故優人有捋扯義山之謂蘇梅二子稍變以平淡豪俊而和之者尚寡至六一坡公巍然為大家數學者宗焉然二公亦各極其天才筆力之所至而已非必鍛鍊勤苦而成也豫章稍後出會粹百家句律之長究極歷代體制之變蒐獵奇書穿穴異聞作為古律自成一家雖隻字半句不輕出遂為本朝詩家宗祖在禪學中此得達磨不易之論也其內集詩尤善信乎其自編者頃見趙履常極宗師之近時詩人惟趙得豫章之意有絕似之者

又曰後山樹立甚高其議論不以一字假借人然自言其詩師豫章公或曰黃陳齊名何師之有余曰射較一鏃弈角一著惟詩亦然後山地位去豫章不遠故能師之若同秦晁諸人則不能為此言矣此惟深於詩者知之文師南豐詩師豫章二師皆極天下之本色故後山詩文高妙一世然題太白畫像云江西勝士與長吟後來不憂身陸沉勝士謂饒德操也按德操此詩去手污吾足之作大爭地位太白非德操遂陸沉耶似非篤論

盧載雜歌諫一卷

陳氏曰盧載厚元撰集中有與胡則錢惟演往來詩

琴軒集一卷

陳氏曰題南榮浪翁李有慶撰與石昌言任師中同時卷末贈答十二絕闕其六其曰癸巳歲者殆皇祐中耶

元章簡詩集十卷

陳氏曰叅政元絳厚之撰

劉景文集十卷

陳氏曰左藏庫使知隰州劉季孫景文撰環慶死事將平之子也東坡嘗薦之坡在杭季孫寄詩有四海共知霜鬢滿重陽曾挿菊花無之句其詩忼慨有氣如其為人

廣諷味集五卷

陳氏曰吏部侍郎南京王欽臣仲至撰

海門集八卷

陳氏曰渤海張重撰有上蘇子瞻內翰詩又有張伯玉遊鑑湖晚歸詩伯玉知越州當嘉祐末而東坡為翰苑在元祐間重嘗與同時特未詳其人

王岐公宮詞一卷

陳氏曰王珪禹玉撰

逸民鳴一卷

陳氏曰盱江李樵撰秦伯之姪孫

湛推官集十卷

陳氏曰長樂湛鴻季潛撰紹聖初韓昌國序

青山集三十卷

陳氏曰朝奉郎當塗郭祥正功父撰初見賞於梅聖俞後見知於王介甫仕不達而卒李端叔晚寓其鄉祥正與之爭名未嘗

同堂至為俚語以譏誚之則其為入不足道也  
張洵休評郭祥正詩如大排筵席二十四味終日揖讓而適口  
者少

方秘校集十卷

陳氏曰莆田方惟深子通撰其父屯田龜年葬吳遂為吳人與  
朱伯原善以女嫁伯原之子嘗舉進士冠其鄉不第晚得興化  
軍助教年八十三以卒王荆公最愛其詩精詣警絕始余得其  
詩二卷乃其姪孫蕭山宰翔所編後乃知莆中嘗刊板為十卷  
且載程俱致道所作墓誌於末曾慥詩選直以為姑蘇人者誤  
也詩選又言荆公愛其春江渺渺一絕手書之遂載臨川集曾  
紆南游記舊亦云而其詩則客帆收浦者也二詩皆不在今集  
中豈以臨川集已收故耶二本大畧同亦微有出入

慶湖遺老集九卷拾遺二卷

陳氏曰朝奉郎共城賀鑄方回撰自序言外監知章之後且推  
本其初出王子慶忌以慶為姓居越之湖澤今所謂鏡湖者本  
慶湖也避漢安帝父清河王諱改為賀氏慶湖亦轉為鏡未知  
其說何所據也其東山樂府張文潛序之鑄後居吳下兼少蘊  
為作傳詳其出處且言與米芾齊名然鑄生皇祐壬辰視米兼  
猶為前輩也

標縵集五卷

陳氏曰周邦彥撰亦有全集中所無者

司馬才仲夏陽集兩卷

晁氏曰司馬槲字才仲溫公之姪孫元祐初與王當輩同中賢  
良科調官錢塘喜賦宮體詩故世傳其為鬼物所崇而卒

司馬才叔逸堂集十卷

晁氏曰司馬棫字才叔才仲之弟也登進士第亦嘗應賢良以黨錮不召詩雖纖艷比其兄稍莊雅

得全居士集三卷

陳氏曰趙鼎元鎮撰全集號忠正德文其曾孫壁別刊其詩附以樂府陸游曰忠簡適朱崖臨終自書銘旌曰身騎箕尾歸天上氣作山河壯本朝嗚呼可不謂偉人乎

高隱集七卷

陳氏曰高隱處士鄆春林敏功子仁撰嘗以春秋鄉薦不第有詩文百卷號蒙山集兵火後不存

無思集四卷

陳氏曰林敏脩子來撰敏功之弟

後村劉氏曰三林詩極少曾端伯作高隱小傳云有詩文百二十卷今所存十無一二兄弟皆隱君子不獨以詩重

柯山集二卷

陳氏曰齊安潘大臨邠老撰所謂滿城風雨近重陽者也

後村劉氏曰東坡文潛先後適黃州皆與邠老游其詩自云師老杜然有空意無實力余舊讀之病其深蕪後見夏均父讀邠老詩亦有深蕪之評

溪堂集五卷補遺二卷

陳氏曰臨川謝逸無逸撰

漫叟詩話謝無逸學古高傑文詞煅煉篇篇有古意尤工於詩冷齋夜話無逸工詩能文黃魯直讀其詩曰晁張流也恨未識之耳無逸詩曰老鳳垂頭噤不語枯木槎牙噪春鳥又曰貪夫

蟻旋磨冷官魚上竿又曰山寒石髮瘦水落溪毛彫皆為魯直所稱賞

竹友集七卷

陳氏曰謝邁幼槃撰逸之弟

後村劉氏曰呂紫微評無逸詩似康樂幼槃詩似元暉按康樂一字百鍊乃出冶元暉尤麗密無逸輕快有餘而欠工緻幼槃差苦思其合元暉者亦少然弟兄在宣政間科舉之外有岐路可進身韓子蒼諸人或自鬻其技至貴顯二謝乃老死布衣其高節亦不可及

日涉園集十卷

陳氏曰廬山李彭商老撰公祥之從孫

後村劉氏曰商老公擇尚書家子弟也東坡山谷文潛諸公皆與往還頗傳覽強記然詩體拘狹少變化

清非集一卷

陳氏曰豫章洪朋龜父撰

老圃集一卷

陳氏曰諫議大夫洪芻駒父撰

西渡集一卷

陳氏曰中書舍人洪炎王父撰洪氏弟兄四人其母黃魯直之妹不淑卑世所為賦毀璧者也龜父舉進士不第其季羽鴻父坐上書元符入籍終其身芻炎皆貴而芻靖康失節貶廢羽詩不傳

後村劉氏曰三洪與徐師川皆豫章之甥龜父警局往往前人所未道然早卒惜不多見駒父詩尤工初與龜父游梅仙觀龜

父有詩卒章云願為龍鱗嬰勿學蟬骨蛻是以直節期乃第矣  
駒父後居上坡晚節不終不特有媿於舅氏亦有媿於長君也  
王父南渡後為少蓬聞師川召有懷駒父詩云欣逢白鶴歸華  
表更想黃龍出羽淵然師川卒不能返駒父於鯨波之外王父  
愛兄之道至矣余讀而悲之

岷山百境詩二卷

晁氏曰王宋字道輔少有能詩名世謂其詩初若不經意然遣  
辭屬意清麗絕人自號南陵居士宣和中以狂譎被謫伏誅

楊天隱詩十卷

晁氏曰皇朝楊恬字天隱潼川人

文獻通考卷之二百四十四

文獻通考卷之二百四十五

鄱陽 馬 端臨 貴與 著

經籍考

集 詩集

韓子蒼集三卷

晁氏曰宋朝韓駒字子蒼仙井人政和初詣闕上書特命以官  
累擢中書舍人權直學士院王甫嘗命子蒼詠其家藏太乙真  
人圖詩盛傳一世宣和間獨以能詩稱云

後村劉氏曰子蒼蜀人學出蘇氏與豫章不相接呂公彊之入  
泂子蒼殊不樂磨泮剪裁之功終身改竄不已有已寫寄人數  
年而追取更易一兩字者故所作雖少而善

許長民詩十卷

許長民詩十卷

晁氏曰許彥國字表民青社人周邦彥稱其寬平優游中極物  
情惜乎流落不偶故世人知之者或寡也

還還集二卷

陳氏曰直龍圖閣江陵高荷子勉撰

山谷跋高子勉作詩以杜子美為標準用一事如軍中之令置  
一字如關門之鍵而充之以博學行之以溫恭天下士也  
又跋歐陽元老詩此詩入陶淵明格律頗雍容使高子勉追之  
或未能然子勉作唐律五言數十韻用事穩貼置字有力元老  
亦未能也

後村劉氏曰子勉親見山谷經指授記覽多如麥城詩押險韻  
畧無窘態集中健語層出紫微公詩汰乃以殿諸人何耶可升

東湖集二卷

陳氏曰樞密豫章徐俯師川撰禧之子魯直諸甥思陵以魯直  
故召用之丞相呂頤浩作書具道上旨而一時或言其由中人  
以進其初除大坡也程俱在西掖繳奏不行奉祠去其然乎否  
耶然俯在位亦不聞有所建明也

山谷跋前曰洪龜父携師川上藍莊詩來詞氣甚壯筆力絕不  
類年少書生意其行已讀書皆當老成解事熟讀數過為之喜  
而不寐老舅年衰才劣不足學師川有意日新之功當於古人  
中求之耳

後村劉氏曰師川豫章之甥然自為一家不似涓陽高自標樹  
藐視一世同時諸人多推下之然集中不能皆善舊傳豫章見  
師川雙廟詩勉請洪進步今雙廟詩不存則其詩零落多矣師  
川在靖康中以名節自任于碑曰昌叔事故其詩云直道庶幾師鄉下



不應四海獨詩名可謂實錄諸人所以推下之者蓋不獨以其詩也

東萊集二十卷外集二卷

晁氏曰呂本中字居仁好問右丞之長子靖康初權尚書郎紹興中賜進士第除右史遷中書舍人已而落職奉祠少學山谷為詩嘗作江西宗派圖行於世

陳氏曰希哲之孫好問之子祖謙之祖撰江西詩派後人以其詩入派中

後村劉氏曰紫微公作夏均父集序云學詩當識活法所謂活法者規矩備具而能出於規矩之外變化不測而亦不肯於規矩也是道也蓋有定法而無定法無定法而有定法知是者則可以與語活法矣謝元暉有言好詩流轉圜美如彈丸此真活

法也近世惟謙章黃公首變前作之弊而後學者知所趣向畢

精益求精左規右矩庶幾至於變化不測然予區區淺末之論皆

漢魏以來有意於文者之法而非無意於文者之法也子曰興

於詩又曰詩可以興可以觀可以群可以怨邇之事父遠之事

君多識於鳥獸草木之名今之為詩者讀之果可以使人興起

其為善之心乎果可以使人興觀群怨乎果可以使人知事父

事君而能識鳥獸草木之名之理乎為之而不能使人如是則

如勿作吾友夏均父賢而有文章其於詩蓋得所謂規矩備具

而出於規矩之外變化不測者後更多從先生長者游聞聖人

之所以言詩者而得其要妙所謂無意於文之文而非有意於

文之文也余嘗以為此序天下之至言也然均父所作似未能

然往往紫微公自道耳所引謝宣城好詩流轉圜美如彈丸之

語余以宣城詩考之如錦工機錦玉人琢玉極天下巧妙窮巧極妙然後能流轉園美近時學者往往誤認彈丸之喻而趨於易故放翁詩云彈丸之論方誤人又朱文公云紫微論詩欲字字響其晚年詩多啞了然則欲知紫微詩者以均父集序觀之則知彈丸之語非主於易又以文公之語驗之則所謂字字響者果不可以退情矣

晁氏具茨集三卷

晁氏曰先君子詩集也呂本中以為江西宗派曾慥亦稱公早受知於陳無已從兄以道嘗謂公宗族中最才華喻汝礪亭其詩云予嘗從叔用商近朝人物嘉言善行朝章國典禮文損益靡不貫洽由叔用之學而達諸廊廟溫厚足以代言淵博足以顧問則以詩鳴者是豈叔用之志也哉雖然叔用既已油然棲

志於林澗曠遠之中遇事寫物形於興屬淵雅踈亮未嘗為憂怨危憤之音尋於是見叔用於消長用舍之際未嘗不安而樂之者也嗟乎所謂舍章內奧而深於道者非耶秦漢以來士有抱奇懷能流落不遇往往蹠心汗筆有怨誹沈抑之思氣候急刻不能閑遠古之詞人皆是也所以往往無所建立於天下唯深於道者遺於世而不怨發於詞而不怒君子是以知其必能有為於世者也嗟乎吾於叔用豈直以詩人命之哉

陳氏曰晁冲之叔用撰冲之在群從中亦有才華而獨不第紹聖以來黨禍既作超然獨往侍郎公武子止蓋其子也

後村劉氏曰喻汝礪所作序筆力浩大與叔用之詩相稱余讀叔用詩見其意度宏潤氣力寬餘一洗詩人窮餓酸辛之態其律詩云不擬伊優陪殿下相隨于為過樓前亂離後追書承平

事未有悲哀警策於此句者。晁氏家世顯貴而叔用不肯於此時陪伊優之列而甘隨于為之後，可謂賢矣。他作皆激烈慷慨，南渡放翁可以繼之。

青溪集一卷

陳氏曰：臨川汪華信民撰，呂居仁序之。

後村劉氏曰：呂榮陽居符離，信民為教官，從榮陽學。故紫微公尤推尊信民，其詩云：富貴空中花，文章木上蠹。要知貞實地，惟有華嚴境。蓋呂氏家世本喜談禪，而紫微與信民皆尚禪學。遠遊堂集二卷。

陳氏曰：知江州蘄春夏倪均父撰。

後村劉氏曰：均父竦之諸孫，集中如擬陶韋五言，疊疊逼真。律詩用事作句，超出繩墨，言近旨遠，可以諷味。蓋用功於詩，而非所謂無意於文之文也。

歸叟集一卷

陳氏曰：開封王直方立之撰，其高祖顯事晉，即至樞密使直方喜從蘇黃諸名勝游，家有園池，娶宗女為假承奉，即自號歸叟，年甫四十而死。

李希聲集一卷

陳氏曰：祕書丞李錡希聲撰，與徐師川潘邠老同時。

楊信祖集一卷

陳氏曰：揚符信祖撰，未詳出處。

後村劉氏曰：吏道官官惡，田家事事賢。唐人得意語也。

陳留集一卷

陳氏曰：開封江端本子之撰，以上至林子仁皆入詩派。

後村劉氏曰子我弟也子我詩多而工江西泚乃舍兄而取弟亦不可曉豈子我自為家不肯入社如韓子蒼耶

邵茂誠詩集

邵迎茂誠撰東坡序略曰茂誠出其詩數百篇余讀之彌月不厭其文清和妙麗如晉宋間人而詩尤可愛咀嚼有味雜以江

左唐人之風

王定國詩集

王鞏定國撰東坡序略曰古今詩人衆矣而杜子美為首豈非以其流落饑寒終身不用而一飯未嘗忘君也歟今定國以余故得罪貶海上三年一子死貶所一子死于家定國亦病幾死余意其怨我甚不敢以書相聞而定國歸至江西以其嶺外所作詩數百首寄余皆清平豐腴藹有治世之音其言與志得道行者無異幽憂憤歎之作蓋亦有之矣特恐死嶺外而天子之恩不及報以忝其父祖耳孔子曰不怨天不尤人定國且不我怨而肯怨天乎余然後廢卷而歎自恨知其人之淺也又念昔者定國與顏復長道游泗水登相山吹笛飲酒乘月而歸余亦置酒黃樓上以待之曰李太白死世無此樂三百年矣今余老不復作詩又以病止酒閉門不出門剋數步即大江經月不至江上眊眊焉貞一老農夫也而定國詩益工飲酒不衰所至窮山水之勝不以厄窮衰老改其度今而後余之所畏服於定國者不獨其詩也

山谷序略曰定國生長富貴其嗜好皆老書生事而不寒乞諸公多下之其為文章初不自貴珍如落涕垂時出奇壯語驚天下士及流落嶺南更折節自刻苦讀諸經頗立訓傳以示意得

其作詩及他文章不守近世師儒繩尺規模遠大必有為而後  
作欲以長雄一時雖未盡如意要不隨人後至其合處便不減  
古人

胡宗元詩集

清江胡宗元撰山谷序略曰君自結髮至白首未嘗廢書其胸  
次所藏未肯下一世事也前莫輓後莫推是以窮於丘壑然以  
其耆老於翰墨故後生晚出無不讀書而好文其卒也子弟門  
人次其詩為若干卷觀宗元之詩好賢而樂善安土而俟時寡  
怨之言也可以追次其平生見其少長不倦忠信之士也至於  
遇變而出奇因難而見巧則又似予所論詩人之態也其興託  
高遠則附于國風其忿世疾邪則附于楚辭後之觀宗元詩者  
亦以是求之

畢憲父詩集三卷

河南畢憲父撰山谷序略曰公貫穿六藝下至安成虞初之記  
射匿候歲種魚相蠶之篇鼻嚏耳鳴之占効召鬼物之書無不  
口講指畫使疑者冰開虛心者滿懷其詩筆語皆有所從來不  
虛道非博極群書不能讀之昭然也

吳處士靈谷詩

王介甫序略曰君浩然有以自養遨遊於山川之間嘯歌謳吟  
以寓其所好終身樂之不厭而有詩數百篇傳誦於閭里他日  
出其靈谷三十二篇以屬其甥曰為我讀而序之惟君之所得  
蓋有伏而不見者豈特盡於此詩而已雖然觀其鏡刻萬物而  
按之以藻績非夫人之巧亦孰能至於此

李少卿詩二十卷

太常少卿李簡夫撰頴濱序略曰君所為詩曠然閑放往往脫略繩墨有遺我忘物之思問其所與遊多慶曆名卿而元獻晏公深知之求其平生之志則曰樂天吾師也吾慕其為人而學其詩思莫能及耳晚歲詩益高信乎其似樂天也

七里先生自然集七卷

陳氏曰江端友子我撰端本兄也休復鄰幾之孫其父懋相有遺澤子我以遜端本靖康初吳敏元中薦子我召見賜出身為京官後至太常少卿

澗上丈人詩二十卷

晁氏曰陳恬字叔易堯叟裔孫也博學有高志不從選舉躬耕于陽翟與鮮于綽崔鷗齊名號陽城三士又與晁以道同卜隱居于嵩山大觀中召赴闕除校書郎以道寄詩戲之曰處士何人為作牙暫携猿鶴到京華故山巖壑應惆悵六六峯前第一家未幾致仕還山建炎初再召避地桂嶺卒年七十四秩朝奉郎直祕閣澗上丈人者其自號也詩句豪健嘗作古別離記靖康之難一時傳誦之筆札清勁與人尺牘主皆藏去以為寶云

臨漢居士集七卷

陳氏曰南豐曾絃伯容撰其父阜子山於子固為從兄弟

懷峴居士集六卷

陳氏曰曾思顯道撰絃之子也阜常將漕湖南後家襄陽絃父子皆有官而皆高亢不仕楊誠齋序其詩以附詩派之後  
序畧曰伯容詩源委山谷先生顯道得其父句法伯容放浪江湖間與夏均父諸詩人游從唱和其題壁與韻見於均父集中者三十有二篇予每誦均父之詩云曾侯第一又云五言類玄

度又云秀句無一塵想見其詩而恨不見也行天下五十年每見士大夫必問伯容父子詩無能傳之者今日忽得故人尚書郎江西漕雷公朝宗寄余以二曾詩集二編屬序之披誦三過蔚乎若玉井之蓮敷月露之下也沛乎若雪山之水寫灑灑而東也琅乎若岐山之鳳鳴梧竹之風也望山谷之宮庭蓋排闥而入歷階而升者歟

見南山集二十卷

陳氏曰秘閣備撰吳興劉壽無言撰

瀟山集三卷

陳氏曰中書舍人龍舒朱翌新仲撰

周平園序略曰藝之至者不兩能故唐之詩人或略於文兼之者杜牧之平苦心為詩自其所長至於議論切當世之務制器得三言之體賦序碑記未嘗苟作予每讀其書愛之恨不同時今吾先友桐鄉朱公似之公世文儒少年登政和進士第時人諱言詩公獨沉涵六義思繼作者南渡後登館閣掌書命文章浸顯于朝中忤時宰謫居曲江十有四年昌其詩放厥詞蓋斥父窮極益自刻苦於山水間迨北歸則詩益老文益奇遂以名家其子軾等類公遺藁凡四十四卷屬余序之

曾文清集十五卷

陳氏曰禮部侍郎章貢曾幾吉父撰本朝曾氏三望最初溫陵宣靖公公亮明仲次南豐舍人鞏子固兄弟然其祖致堯起家又在溫陵之先矣其後則幾之族也自贛徙河南與其兄楫叔夏開天游皆嘗貳春官楫至尚書開沮和議得罪並有名於世又有長兄弼為湖北提舉學事渡江溺死幾以其遺澤補官詮

蘇東坡

蘇東坡

蘇東坡

試第一賜上舍出身清江三孔之甥也紹興未幾已老始擢用  
乾道中年八十三以死號茶山先生其子逢逮皆顯於時  
天台集十卷外集四卷長短句三卷附

陳氏曰臨海陳克子高撰李更子長跋其後云刪定鄉人也少  
小侍運判公貽序官學四方曾憶詩選叙為金陵人蓋失其實  
今老集中首末多在建康且嘗就試焉當是僑寓也詩選又言  
不事科舉以呂安老薦入幕府得官按集有文榜二絕則嘗應  
舉矣又有甲午歲所作詩云三十四則其生當在元豐辛酉得  
官入幕蓋已老矣詩多情致詞尤工

西溪居士集五卷

陳氏曰剡川姚寬令威撰待制舜明廷輝之子兄宏令聲為刪  
定官得罪秦檜死大理獄寬為六部監門逆亮入寇寬言不德  
所照必無虞言驗將除郎召對得疾仆殿上卒遂用其第累令  
則後至執政

集句詩三卷

陳氏曰江陰葛次仲亞卿撰勝仲之兄兄弟皆為大司成  
廬溪集七卷

陳氏曰直敷文閣廬陵王庭珪民瞻撰政和八年進士仕不合  
棄去隱居數十年坐作詩送胡邦衡除名徙辰州年已七十矣  
阜陵初政召為國子監主簿九十餘乃終寄祿纔承奉郎澤竟  
不及後周益公在位欲委曲成就之卒不可

楊誠齋序略曰先生少嘗見曹子方詩法蓋其詩自少陵出其  
文自昌黎出大要主於雄剛渾大云清江劉清之子澄詳先生  
之文謂廬陵自六一之後惟先生可繼聞者遵焉



章齋小集一卷

陳氏曰朱松喬年撰

玉澗集一卷

陳氏曰朱棨逢年撰韋肅之弟晦庵之叔父也嘗夢為玉澗堂之游甚異有詩紀之

雲壑隱居集三卷

陳氏曰南城蔡補堅老撰宣和以前人漫於乾道庚寅曾公卷呂居仁輩皆與之唱和

陳正獻集十卷

陳氏曰丞相福正獻公莆田陳俊卿應求撰紹興八年進士第二人乾淳間名相與虞井甫異論去國

靜泰堂集十卷

陳氏曰叅政莆田龔茂良實之撰黃公度以莆人魁天下陳正獻次之故事拜黃甲推最老者一人最少者一人是歲茂良年最少莆人以為盛事後叅大政相位久虛寔行相事坐撻曾觀直省官忤阜陵意用謝廓然賜出身入臺擊罷之遂謫英州以沒其風節凜凜為世名臣

寓山集三十卷

陳氏曰吳興沈仲誥明遠撰丞相該之姪紹興五年進士改官為江西運管嘗為悲扇工詩忤魏良臣陷以深文奪三官不得志以卒

劔南詩藁二十卷續藁六十七卷

陳氏曰陸游務觀撰初為嚴州刻所藁止淳熙丁未自戊申以及其終當嘉定庚午二十餘年為詩益多其幼子子適後守嚴

州續刻之篇什富以萬計古所無也

後村劉氏曰近歲詩人雜博者堆隊仗空疎者窘材料出奇者費搜索縛律者少變化惟放翁記問足以貫通力量足以驅使才思足以發越氣魄足以陵暴南渡而下故當為一大宗末年云客從謝事歸時散詩到無人愛處工又云外物不移方是學俗人猶愛未為詩則皮毛落盡矣

雪巢小集二卷

陳氏曰東魯林憲景思撰初寓吳興從徐度敦五游後為叅政賀允中子忱孫譽寓臨海其人高尚詩清澹五言四韻古句尤佳殆逼陶謝梁谿尤延之誠齋揚廷秀肯為之序且為雪巢賦及記余為南城其子遊謁至邑以家集見示愛而錄之及守天台則板行久矣視所錄本稍多然其暮年詩似不逮其初往往以貧為累不能不衰索也

誠齋序略曰延之謂景思詩似唐人信矣然至如桃花飛後楊花飛楊花飛後無可飛天空霜無影等句超出詩人準繩之外其遐不可追其卓不可改矣使李太白在必笑領此句也似唐人而已乎

王季夷北海集二卷

陳氏曰北海王嶠季夷撰紹淳間名士寓居吳興陸務觀與之厚善三子甲田申皆登科

易足居士自鳴集十五卷

陳氏曰鄱陽章甫冠之撰居吳下自號轉庵作易足堂韓無咎為之記

屏山七者翁十卷

陳氏曰從事郎崇安劉瑛平父撰子翬彦冲之子也

玉雪小集六卷外集七卷

陳氏曰太常博士龍泉何備德揚撰隆興初在朝言和議觸時相去後不復召歷磨節而卒

雪山集三卷

陳氏曰富川王質景文撰質游太學治詩有聲仕為樞屬嘗著詩解三十卷未之見也

景物類要詩十卷

陳氏曰東陽曹冠宗臣撰隨物為題類事詩凡二百餘篇冠為秦檜客與其孫損同登甲科未幾秦亡奪前名恩數再赴廷試仕至知柳州

同庵集一卷

陳氏曰吳興施士衡德求撰嘗試中教官為宣州簽幕坐廢雖牽復仕竟不進

柘山老人集八卷

陳氏曰龍泉李相文成撰

三逕老人硤硤集十三卷

陳氏曰福建提舉常平昭武杜杞受言撰胡憲原仲為之序其上世龍圖閣直學士鎬本常州無錫人其孫天章閣待制杞於杞為曾祖

穀城集五卷

陳氏曰建安黃銖子厚撰晦庵作序極稱之

松坡集七卷樂府一卷

陳氏曰丞相豫章京鏗仲遠撰鏗使虜執節驟用其在相位當

韓侂胄用事無所立

白石道人集三卷

陳氏曰鄱陽姜夔堯章撰千巖蕭東夫識之於年少客游以其凡之子妻之石湖范至能尤愛其詩揚誠齋亦愛之賞其歲除舟行十絕以為有裁雲縫月之妙思敲金戛玉之奇聲夔頗解音律進樂書免解不第而卒詞亦工

轉庵集一卷

陳氏曰閤門舍人永嘉潘理德父撰

王祕監集四卷

陳氏曰永嘉王補木叔撰

頤庵詩藁

四明劉應時良佐撰揚誠齋序略曰君之詩效翁陸務觀既摘其佳句序之余尚何言偶披卷讀至云寂寞黃昏愁弔影雪窓怕上短檠燈又燭與梅花共過冬淡月故移疎影去又憫虜正與詩魔戰窓外一聲婆餅焦又早行云鷄犬未鳴潮半落草蟲聲在豆花村使晚唐諸子與半山老人見之當一笑曰不虞君之涉吾地也何故

歐陽伯威詩

廬陵歐陽伯威少與周益公同場屋連戰不利篤意於詩誠齋嘗摘其警句曰秋之如西風五更雨南雁數行書詩成夔子國人在仲宣樓細雨雙飛鷺寒義獨釣船夢回千里外燈轉一窻深誰知花過半繞與酒相尋故人驚會面新恨說從頭天上張公子雲間陸士龍月白玄猿哭更殘絡緯悲語離遽如許話舊復何時巷南巷北人招飲一雨一晴花耐看有客過門湖海士階

籬呼酒吐嗟間夢回金馬玉堂上文在水既雪梳中青山如故  
情非故夢草喚愁詩道愁擾擾征人相顧語蕭蕭落木不勝秋  
風色似傳花信到夕陽微放柳梢晴千里歸來人事改十年猶  
幸此身存絕句四首戀樹殘紅濕不飛楊花雪落水生衣年來  
百念成灰冷無語送春春自歸桑麻得雨更青慈芍藥留春結  
晚紅怪得鳥聲如許好此身還在亂山中為憐紅杏亞枝斜看  
到斜陽送亂鴉又是一春窮不死天教留眼看鶯花蓬窓卧聽  
疎疎雨却似芭蕉夜半聲煙浪破天天倚蓋略容一點白鷗明  
公跋云鳥啼花落欣然會心處酌大白燕伯威詩欲馭風騎氣  
也

醒庵遺珠集十卷

陳氏曰臨川余國寶撰淳熙前人

白石丁藁一卷

陳氏曰三山黃景說巖老撰淳熙辛丑進士

復齋漫藁二卷

陳氏曰知台州黃芻子耕撰

梅山詩藁六卷續藁十五卷

陳氏曰括蒼姜特立邦傑撰以父死事得西班累舉不第晚為  
閣職春坊攀附已酉龍飛恩至節度使周益公留衛公皆為其  
所間特立詩亦粗佳韓無咎陸務觀皆愛之本亦士人也塗轍  
一異儼然替御之態豈其居使之然耶

冷然齋集二十卷

陳氏曰山陰蘇洞召叟撰丞相子容四世孫師德仁仲之孫

曾欽父詩詞一卷

陳氏曰知台州魯博敏父撰紉之子也皆在台時所作

瓦全居士詩詞二卷

陳氏曰太常博士寧海王藻身甫撰初名津字子知

疎寮集三卷

陳氏曰四明高似孫續古撰少有俊聲登甲辰科不自愛重為館職上韓侂胄生日詩九首皆暗用錫字為清議所不齒晚知處州貪酷尤甚其讀書以隱僻為博其作文以怪澁為奇至有甚可笑者就中詩猶可觀也

徐照集三卷

陳氏曰永嘉徐照道暉撰自號天民

徐璣集二卷

陳氏曰徐璣致中撰

翁卷集一卷

陳氏曰翁卷靈舒撰

趙師秀集二卷別本天樂堂集一卷

陳氏曰趙師秀紫芝撰四人者號永嘉四靈皆晚唐體者也惟師秀嘗登科改官亦不顯

水心徐道暉墓誌略曰道暉有詩數百斷思有奇皆橫絕欲起水懸雲跨使讀者變蹕慘慄肯首吟嘆不自已然無異語皆人所知也人不能道耳蓋魏晉名家多發興高遠之言少騷物切近之實又沈約謝朓永明體出土爭効之初猶甚艱或僅得一偶句便已名世矣夫束字十餘五色彰施而律呂相命豈易工哉故善為是者取成於心寄妍於物融會一法涵受萬象稀苓枯槁時而為帝無不按節赴之君尊臣卑賓願主穆如九投區

矢破的此唐人之精也然厭之者謂其纖碎而害道淫肆而亂雅至於延設九奏廣袖大幅而反以浮響疑宮商布縷謬組繡則失其所以為詩矣然則發今人未悟之機四百年已廢之學使後復言唐詩者自君始不亦詞人墨客之一快也惜其不尚以年不及臻乎開元元和之盛而君既死同為唐詩者徐璣字文淵翁卷字靈舒趙師秀字紫芝集常交朋殯且塋之

李孟達集一卷

陳氏曰宗正丞宣城李兼孟達撰唐末李咸用披沙集者即其遠祖也嘗知台州時稱善士

柯東海集十五卷

陳氏曰莆田柯夢得東海撰嘗試春官不第

山中集一卷

陳氏曰莆田趙庚夫仲白撰兩上春官不第以取應得石選不得志而沒劉潛夫志其墓擇其詩百篇屬趙南塘序而傳之

後村劉氏墓誌畧曰仲白平生志業無所洩一寓之詩叢藁如山和平冲澹之語可咀而味憤悱悲壯之詞可愕而怒流離顛沛之作可怨而泣也遇貴公張宴廣座命題發實方嘖呻營度仲白已飛筆滿軸神色自得蓋其所挾高未嘗斲斲人而每出人上故愛仲白者少嚴而忌之者衆矣其詩最多自刪取五百首

磬沼集一卷

陳氏曰崇仁羅鑑正仲撰樞密春伯之從弟磬沼者為池因地曲折如磬然

茅齋集二卷

文獻卷二百四十五

經籍考

二

陳氏曰南城鄧繼祖撰

梅林集十卷

陳氏曰吳郡沈繼祖撰慶元初有為察官者家富川豈即其人固不足道詩亦無可觀者

花翁集一卷

陳氏曰開封孫惟信李繁撰在江湖中頗有標致多見前輩多聞舊事善雅談長短句尤工嘗有官棄去不仕

惠崇集十卷

陳氏曰淮南僧惠崇撰與潘閔同時在九僧之數亦善畫天竺靈苑集三卷採遺一卷

陳氏曰錢塘僧導式撰所謂式幟主者也

渚宮集三卷

陳氏曰錢塘僧文瑩道溫撰及識蘇子美嘗題其詩後欲挽致於歐陽永叔而瑩辭不往老於荊州之金鑿鄭毅為作序

揀金集一卷

陳氏曰螺江僧可尚撰有述徐鉉詩蓋國初人

螺江集一卷

陳氏曰僧有朋撰號困山禪師族陳氏閩帥巖六世孫

祕演詩集

釋祕演撰歐陽公序略曰祕演與石曼卿交最久亦能遺外世俗以氣節相高二人懽然無所間曼卿隱於酒祕演隱於浮屠皆奇男子也然喜為歌詩以自娛當其極飲大醉歌吟笑呼以適天下之樂何其壯也一時賢士皆願從其游予亦時至其室十年之間祕演北渡河東之濟鄆無所合因而歸曼卿已死祕



演已老病嗟夫二人者予乃見其盛衰則余亦將老矣夫曼卿詩辭清絕尤稱祕演之作以為雅健有詩人之意祕演狀貌雄傑其中浩然既習于佛無所用獨其詩可行于世而懶不自惜已老肱其橐尚得三四百篇皆可喜者曼卿死祕演漠然無所向聞東南多山水其巔崖岷嶂江濤洶涌甚可壯也遂欲遠遊焉足以知其老而志在也

惟儼集

釋惟儼撰杭州人姓魏氏歐陽公序其詩曰與亡友石曼卿最善居京師相國浮圖不出其戶十五年士嘗游其室者禮之惟恐不至及去為公卿貴人未始一徃干之然嘗竊怪平生所交皆當世賢傑未見卓卓著功業如古人可記者因謂世所稱賢材若不答兵走萬里立功海外則當佐天子號令賞罰於明堂苟皆不用則絕寵辱遺世俗自高而不屈尚安能酬於富貴而無遺哉醉則以此誚其坐人人亦復之以謂遺世自守古人之所易若奮身逢時欲必就功業此雖聖賢難之周孔所以窮達異也今子老於浮圖不見用於世而幸不踐窮亨之塗乃以古事之已然而責今人之必然邪雖然惟儼傲乎退偃於一室天下之務當世之利病聽其言終日不厭惜其將老也已曼卿死惟儼亦買地京城之東以謀其終乃歛平生所為文數百篇示予曰曼卿之死既已表其墓願為我序其文然及我之見也嗟夫惟儼既不用於世其材莫見於時若考其筆墨馳騁文章瞻逸之能可以見其志矣

參寥集十二卷

晁氏曰皇朝僧道潛自號參寥子與蘇子瞻秦少游為詩友其

詩清麗不類浮屠語世稱其東園贈歌者兩絕句餘多類此

陳氏曰唐人舊有號參寥子者用莊子語也

后山序曰妙總師參寥大覺老之嗣眉山公之客而少游氏之友也釋門之表士林之秀而詩苑之英也游卿大夫之間名于四海三十年餘矣其議古今張弛人情貌肖否言之從違詩之精粗若水赴壑阪走丸倒囊出物驚鳥舉而風迫之也若升高視下肥瘠而鑑貌也元符之冬去魯還吳道徐而來見余與之別餘二十年復見于此愛其詩讀不捨手屬其談挽不聽去夜相語及唐詩僧參寥子曰貫休齊已世薄其語然以曠蕩逸群之氣高世之志天下之譽王侯將相之奉而為石霜老師之役終其身不去此豈用意於詩者工拙不足病也由是而知余之所貴乃其棄遺所謂淺為丈夫者乎於其行叙以謝之

希白詩三卷

晁氏曰僧希白撰張逸序之曰希白能詩與宋白梁周翰張詠而下十數公文善其格律不減齊已云

物外集三卷

陳氏曰僧德洪覺範撰

瀑泉集十三卷

陳氏曰僧祖可正平撰蘇養直之弟有惡疾號癩可

真隱集三卷

陳氏曰僧善權巽中撰靖安人落魄者酒

化庵湖海集二卷

陳氏曰僧法具圓復撰吳興人

涪溪集二十一卷

蘇軾詩集卷之四十五

蘇軾詩集卷之四十五

七

陳氏曰僧顯禹撰洪景廬作序前二卷為賦餘皆詩也  
女郎謝希孟集二卷

陳氏曰閩人謝景山之妹嫁陳安國年三十三而死其詩甚可  
觀歐陽公為之序言有古淑女幽間之風雅非時婦人之言也  
景山者按歐陽詩話言謝伯初字景山當天聖景祐間以詩知  
名余謫夷陵景山方為許州法曹以長韻見寄頗多佳句仕不  
偶困窮以卒詩亦不見於世此序又言景山少以進士一舉甲  
科考登科記天聖二年甲科但有謝伯景而謝伯初者乃在寶  
元元年公謫夷陵當景祐三年景山已為法曹則非寶元登第  
者名字差訛如此未可攷也

歐陽氏序略曰希孟之言尤隱約深厚守禮而不自放有古幽  
閨淑女之風非特婦人之能言者也然景山嘗從今世賢豪者  
游故得聞於當世而希孟不幸為女子莫自章顯於世昔衛莊  
姜詩穆夫人錄於仲尼而列之國風今有傑然巨人能輕重時  
人而取信後世者一為希孟重之其不泯沒矣  
處士王安之集一卷

陳氏曰簡池王亢子倉之女尚恭字安之年二十未嫁而死乾  
道戊子也亢自志其墓有任公彞老為作集序援歐公所序謝  
希孟為此而稱其詩不傳今余家有之任蓋未之見也

英華集三卷  
陳氏曰李季萼死後為鬼仙事見夷堅志縉雲人傳其集亦怪  
矣

文獻通考卷之二百四十六

鄱陽 馬端臨 貴與 著

經籍考

集 歌詞

竹間集十卷

陳氏曰蜀歐陽炯作序稱衛尉少卿字弘基者所集未詳何人其詞自温飛卿而下十八人凡五百首此近世倚聲填詞之祖也詩至晚唐五季氣格卑陋千人一律而長短句獨精巧高麗後世莫及此事之不可曉者放翁陸務觀之言云爾南唐二主詞一卷

陳氏曰中主李璟後主李煜撰卷首四闕應天長望遠行各一浣溪沙二中主所作重光嘗書之墨迹在盱江晁氏趙云先皇

御製歌詞余嘗見之於麥光紙上作撥鐙書有晁景迂題字今不知何在矣餘詞皆重光作

陽春錄一卷

陳氏曰南唐馮延巳撰高郵崔公度伯易題其後稱其家所藏最為詳確而尊前花間諸集往往謬其姓氏近傳歐陽永叔詞亦多有之皆失其真也世言風乍起為延巳作或云成幼文也今此集無有當是幼文作長沙本以真此集中殆非也

家宴集五卷

陳氏曰序稱子起失其姓名雍熙丙戌歲也所集皆唐末五代入樂府視花間不及也未有清和樂十八章為其可以侑觴故名家宴也

珠玉集一卷

陳氏曰晏元獻公殊撰其子幾道嘗言先公為詞未嘗作婦人語以今考之信然

張子野詞一卷

陳氏曰都官郎中吳興張先子野撰李常公擇為六客堂子野與焉所賦詞卒章云也應傍有老人星蓋以自謂是時年八十餘矣東坡倅枕數與唱酬聞其買妾為之賦詩首末皆用張姓事吳興志稱其晚年漁釣自適至今號張釣魚灣死葬弁山下至今多寶寺按歐陽集有張子野墓誌死於寶元中者乃博州人名姓字偶皆同非吳中之子野也

古今詩話云客有謂張子野曰人皆謂公為張三中郎心中事眼中人意中人也公曰何不自為張三影客不曉公曰雲破月來花弄影嬌柔懶起簾櫳捲花影柳徑無人墜飛絮無影此余

平生所得意也又高齊詩話云子野嘗有詩云浮萍斷處見山影又長短句雲破月來花弄影又云隔牆送過秋千影並膾炙人口世謂張三影若溪漁隱云細味二說當以古今詩話所載三影為勝

東坡曰子野詩筆老健歌詞乃其餘波耳湖州西溪詩云浮萍斷處見山影野艇歸時聞草聲與予和詩云愁似鰥魚知夜永懶同蝴蝶為春忙若此之類亦可追配古人而世俗但稱其歌詞昔周昉畫人物皆入神品而世但知有周昉士女蓋所謂未見好德如好色者也

杜壽域詞一卷

陳氏曰京兆杜安世壽域撰未詳其人詞亦不工

六一詞一卷

陳氏曰歐陽文忠公備撰其間多有與花間陽春相混者亦有鄙褻之語一二廁其中當是仇人無名子所為也

樂章集九卷

陳氏曰柳三變耆卿撰景祐元年進士官至屯田員外郎世號柳屯田初磨勘及格昭陵以其浮薄罷之後乃更名永其詞格固不高而音律諧婉語意妥帖承平氣象形容曲盡尤工於羈旅行役若其人則不足道也

藝苑雌黃柳之樂章人多稱之然大槩非羈旅窮愁之詞則閨門淫媒之語若以歐陽永叔蘇子瞻黃魯直張子野秦少游輩較之萬萬相遼彼其所以傳名者直以言多近俗俗子易曉故也

東坡詞二卷

陳氏曰蘇文忠公軾撰集中戚氏叙後天子西王母事世不知所謂李端叔跋詳之蓋在山中燕席間有歌此闕者坐客言調美而詞不典以請于公公方觀山海經即叙其事為題使妓再歌之隨其聲填寫歌竟篇就纔點定五六字而已李端叔時在莫府目擊必不誣或言非坡作豈不見此跋耶

山谷黃氏曰東坡居士曲世所見者幾百首或謂於音律小不諧居士詞橫放傑出自是曲子內縛不住者

後山詩話東坡以詩為詞如教坊雷木使之舞雖極天下之工要非本色

山谷詞一卷

陳氏曰黃太史庭堅撰晁無咎言魯直間作小詞固高妙然不是當家語自是著腔子唱好詩

淮海集一卷

陳氏曰秦觀撰晁無咎言少游詞如斜陽外寒鴉數點流水遠孤村雖不識字人亦知是天生好言語

晁無咎詞一卷

陳氏曰晁補之撰晁嘗云今代詞手惟秦七黃九他人不能及也然二公之詞亦有不同者若晁無咎佳者固未多遜也

後山詞一卷

陳氏曰陳師道撰

閑適集一卷

陳氏曰晁端禮次膺撰熙寧六年進士兩為縣令忤上官坐保甲事中以老法廢徙晚乃以承事郎為大晟府協律三閱月而卒其從姪說之志其墓

晁叔用詞一卷

陳氏曰晁冲之撰歷卷漢宮春梅詞行於世或云李漢老作非也

小山集一卷

陳氏曰晏幾道叔原撰其詞在諸名勝中獨可追逼花間高處或過之其人雖縱弛不羈而不苟求進尚氣磊落未可敗也

山谷黃氏小山集序曰晏叔原臨淄公之莫子也磊隗權竒踈於顧忌文章翰墨自立規摹常欲軒輊人而不受世之輕重諸公雖愛之而又以小謹望之遂陸沉於下位平生潛心六藝玩思百家持論甚高未嘗以治世余嘗怪而問焉曰我槃踞敦宰猶獲罪於諸公憤而吐之是唾人面也乃獨嬉弄於樂府之餘而寓以詩人句法精壯頰頰能動撼人心士大夫傳之以為有

之風爾罕能味其言也余嘗論叔原固人英也其癡亦自絕一愛叔原者温而問其目曰仕宦連蹇而不能一傍貴人之門是一癡也論文自有體不肯一作新進士語此又一癡也費資千百萬家人饑寒而面有孺子之色此又一癡也人百負之而不恨已信人終不疑其欺已此又一癡也乃其以為然雖若此至其樂府可謂俠邪之大雅豪士之鼓吹其合者高唐洛神之流其下者豈減桃葉團扇哉余少時聞作樂府以使酒玩世道人法秀獨罪余以筆墨勸淫於我法中當犁舌之獄特未見叔原之作耶雖然彼富貴得意室有倩盼慧女而主人好文必當市購千金家求善本曰獨不得與叔原同時耶若乃妙年美士近知酒色之娛苦節臞儒晚悟裙裾之樂鼓之舞之使宴安酖毒而不悔是則叔原之罪也哉



靖真集二卷後集一卷

陳氏曰周邦彥美成撰多用唐人詩語櫟括入律混然天成長調尤善鋪叙富艷精工詞人之甲乙也

東山寓聲樂府三卷

陳氏曰賀鑄方回撰以舊譜填新詞而別為名以易之故曰寓聲

宛丘張氏序畧曰余友賀方回博學業文而樂府之詞妙絕一世携一編示予大抵倚聲而為之詞皆可歌也其盛麗如游金張之堂而妖冶如攬嬌施之袿幽索如屈宋悲壯如蘇李覽者自知之

東堂詞一卷

陳氏曰毛滂澤民撰本以斷魂分付潮回去見賞東坡得名而

他詞雖工未有能及此者

百家詩序云元祐中東坡守杭澤民為法曹祿公以眾人遇之秩滿辭去是夕宴客有籍妓歌贈別小詞卒章云今夜山深處斷魂分付潮回去坡問誰所作妓以毛法曹對公語坐客曰郡僚有詞人不及知某之罪也翌日折簡追還留連數月澤民由此知名

溪堂詞一卷

陳氏曰謝逸無逸撰

竹友詞一卷

陳氏曰謝道初繁撰

冠柳集一卷

陳氏曰王冠通叟撰號王逐客世傳雙瓦鴛鴦其作也詞格不

高以冠柳自名則可見矣

姑溪集一卷

陳氏曰李之儀端叔撰

聊復集一卷

陳氏曰安定郡王趙令時德麟撰

後湖詞一卷

陳氏曰蘇庠養直撰

大聲集五卷

陳氏曰万俟雅言撰嘗遊上庠不第後為大晟府製撰周美成

田不伐皆為作序

石林詞一卷

陳氏曰葉夢得少蘊撰

蘆川詞一卷

陳氏曰三山張元幹仲宗撰坐送胡邦衡詞得罪秦相者也

赤城詞一卷

陳氏曰陳克子高撰詞格頗高髯曼周之流亞也

簡齋詞一卷

陳氏曰陳與義撰

劉行簡詞一卷

陳氏曰劉一止撰嘗為曉行詞盛傳於京師號劉曉行

順庵樂府五卷

陳氏曰康與之伯可撰與之父倬惟章詭誕不檢事見揮麈錄

與之又甚焉嘗挾吳下妓趙並少適與蘇師德仁仲有隙遂與

蘇泚訓直之獄玳仁仲之子而常同子正之壻也與之受知於

子正一朝背之士論不齒周南仲嘗為作傳道其實如此所傳  
康伯可詞鄙蕪之甚此集頗多佳語陶定安世為之序王性之  
蘇養直皆稱之而其人不自愛如此不足道也

雜歌一卷

陳氏曰朱敦儒希真撰

初寮詞一卷

陳氏曰王安中撰

丹陽詞一卷

陳氏曰葛勝仲撰

酒邊集一卷

陳氏曰戶部侍郎向子諲伯恭撰自號蘇林

致堂胡氏序曰詩出於離騷楚詞而離騷者變風變雅之意迫

而哀傷者也其發乎情則同而止乎禮義則異名之曰曲以其  
曲盡人情耳方之曲藝猶不逮焉其去曲禮則益遠矣然文章  
豪放之士鮮不寄意於此者隨亦自掃其迹曰譁浪遊戯而已  
唐人為之最工者柳耆卿後出掩衆製而盡其妙好者以為不  
可復加及眉山蘇氏一洗綺羅香澤之態攝脫綢繆宛轉之度  
使人登高望遠舉首高歌而逸懷浩氣超乎塵垢之外於是花  
間為皂隸而柳氏為輿臺矣彌林居士步趨蘇堂而齊其裁者  
也觀其退江北所作於後而進江南所作於前以枯木之心幻  
出葩華酌元酒之樽棄置醇味非染而不色安能及此

漱玉集一卷

陳氏曰易安居士李氏淸照撰元祐名士李格非文叔之女嫁  
東武趙明誠德甫晚歲頗失節別本分五卷

得全詞一卷

陳氏曰趙忠簡鼎元鎮撰

焦尾集一卷

陳氏曰韓元吉撰

放翁詞一卷

陳氏曰陸游撰

石湖詞一卷

陳氏曰范成大撰

友古詞一卷

陳氏曰左中大夫莆曰蔡伸伸道撰自號友古居士君謨之孫

相山詞一卷

陳氏曰王之道彥猷撰

活歌集一卷

陳氏曰蔡柵堅老撰

于湖詞一卷

陳氏曰張孝祥安國撰

稼軒詞四卷

陳氏曰寶謨閣待制辛棄疾幼安撰信州本十二卷視長沙為

多

可軒曲林一卷

陳氏曰盱江黃人傑叔萬撰

王武子詞一卷

陳氏曰未詳其名字

樂齋詞一卷

...

...

...

鳳城詞一卷

陳氏曰向滈豐之撰

陳氏曰三山黃定泰之撰乾道壬辰榜首

竹坡詞一卷

陳氏曰周紫芝撰

介庵詞一卷

陳氏曰趙彥端撰

竹齋詞一卷

陳氏曰吳興沈瀛子壽撰

書丹詞一卷

陳氏曰眉山程坡正伯撰王稱李平為作序

燕喜集一卷

陳氏曰曹冠宗臣撰

退園詞一卷

陳氏曰鎮洮馬寧祖奉先撰

省齋詩餘一卷

陳氏曰衡陽廖行之天民撰

克齋詞一卷

陳氏曰蒼溪沈端節約之撰

敬齋詞一卷

陳氏曰臨川吳鑑仲權撰

逃禪集一卷

陳氏曰清江楊無咎補之撰世所傳江西墨梅即其人也

表去華詞一卷

表去華詞一卷

陳氏曰豫章表去華宣卿撰

樵隱詞一卷

陳氏曰毛并平仲撰

盧溪詞一卷

陳氏曰王庭珪民瞻撰

知稼翁集一卷

陳氏曰考功郎官莆田黃公度師憲撰紹興戊午大魁坐與趙忠簡往來得罪秦檜流落嶺表更化召對為郎未幾死年纔四十八

呂聖求詞一卷

陳氏曰馮李呂渭老聖求撰宣和末人嘗為朝士

退齋詞一卷

陳氏曰長沙侯延慶季長撰歷卷為天寧節萬年歡又有庚寅

京師作水調則大觀元年

金谷遺音一卷

陳氏曰石孝友次仲撰

歸愚詞一卷

陳氏曰葛立方常之撰

信齋詞一卷

陳氏曰葛郊謙問撰

澗壑詞一卷

陳氏曰雙井黃談子默撰

嬾窰詞一卷

陳氏曰東武侯寘彥周撰其曰母舅晁留守者謙之也紹興中

文獻卷二百四十六

歷代詩話

十一

以直學士知建康

王周士詞一卷

陳氏曰長沙王以寧周士撰

映堂集一卷

陳氏曰盧炳叔易撰

定齋詩餘一卷

陳氏曰三山林淳太冲撰

漫堂集一卷

陳氏曰豐城鄧元南秀撰

養拙堂詞集一卷

陳氏曰董鑑明仲撰

坦庵長短句一卷

陳氏曰趙師俠介之撰

梅庵詞一卷

陳氏曰李慶全粹伯撰淳熙中侍御史

近情集一卷

陳氏曰鄱陽王大受仲可撰

野逸堂詞一卷

陳氏曰歷陽張孝忠正臣撰

松坡詞一卷

陳氏曰京鎧仲遠撰

默軒詞一卷

陳氏曰豫章劉德秀仲洪撰慶元中為簽樞

岫雲詞一卷

陳氏曰長沙鐘將之仲山撰嘗為編脩官

西樵語業一卷

陳氏曰廬陵楊炎止濟翁撰

雲谿樂府四卷

陳氏曰魏子敬撰未詳何處人

西園鼓吹二卷

陳氏曰徐得之思叔撰

李東老詞一卷

陳氏曰李叔獻東老撰

東浦詞一卷

陳氏曰韓玉温甫撰

李氏花萼集五卷

陳氏曰廬陵李氏兄弟五人洪子大漳子清泳子求詮子召淵

子秀皆有官闕

好庵遊戲一卷

陳氏曰莆田方信孺孺若撰開禧末使入虜廷後至廣西漕

鶴林詞一卷

陳氏曰簡也劉光祖德備撰紹熙名臣為御史起居郎晚以雜

學士終蜀之耆德有文集未見

笑笑詞集一卷

陳氏曰臨江郭應祥承禧撰嘉定間人自南唐二主詞而下皆

長沙書坊所刻號百家詞其前數十家皆名公之作其未亦多

有濫吹者市人射利欲富其部帙不暇擇也

蕭閑集六卷

蕭閑集六卷



陳氏曰蔡伯堅撰靖之子陷虜者

吳彦高詞一卷

陳氏曰吳激彦高撰米元章之婿亦陷虜二人皆貴顯

白石詞五卷

陳氏曰姜夔堯章撰

西溪樂府一卷

陳氏曰姚寬令威撰

洮湖詞一卷

陳氏曰金壇陳從古晞顏撰

審齋詞一卷

陳氏曰東平王千秋錫老撰

海野詞一卷

陳氏曰曾觀撰孝宗潘邸人佑寵依勢世號曾龍者也龍名大

淵

蓮社詞一卷

陳氏曰張掄才甫撰

梅溪詞一卷

陳氏曰汴人史達祖邦卿撰張約齋錄為作序不詳何人

竹屋詞一卷

陳氏曰高觀國賓王撰亦不詳何人高郵陳造併與史二家序

之

劉攽之詞一卷

陳氏曰襄陽劉過攽之撰

冷然齋詩餘一卷

...

...

...

陳氏曰蘇洵召叟撰

蒲江集一卷

陳氏曰永嘉盧祖臯申之撰

欵乃集八卷

陳氏曰昭武嚴次山撰欵音曉乃如字余嘗辨之甚詳

花翁詞一卷

陳氏曰孫惟信季蕃撰

蕭閑詞一卷

陳氏曰膠子耕撰

註坡詞二卷

陳氏曰僊谿傅餘

註琴趣外篇三卷

陳氏曰江陰曹鴻註萊石林詞

註清真詞二卷

陳氏曰曹杓季中註自稱一壺居士

復雅歌詞五十卷

陳氏曰題銅陽居士序不著姓名末卷言宮詞音律頗詳然多

有調而無曲

樂府雅詞十二卷拾遺二卷

陳氏曰曾造編

曾氏自序畧曰予所藏名公長短句哀合成編或後或先非有

銓次多是一家難分優劣涉諧謔則去之名曰樂府雅詞調笑

集句歐公一代儒宗風流自命詞章幼恥世所矜式當時小人

或作豔曲繆為公詞今刪除凡三十有四家雖女流亦不廢此

外有百餘闕平日贈炙人口或不知姓名則類于卷末以俟詢訪標曰拾遺云

草堂詩餘二卷

類分樂章二十卷

群公詩餘後編二十二卷

五十六曲十六卷

萬曲類編十卷

陳氏曰皆書坊編集者

陽春白雪五卷

陳氏曰趙粹夫編取草堂詩餘所遺以及近人之作

文獻通考卷之二百四十六

